

Na osnovu člana 9. Pravilnika o načinu korištenja, redu i radu na taksi stajalištima i kriterijima za dodjelu taksi stajališta („Službeni glasnik Grada Tuzla“, broj: 7/14 i „Službeni glasnik Grada Tuzla“, broj: 8/17 i 5/19), Služba za komunalne poslove, izgradnju i poslove mjesnih zajednica Grada Tuzla, objavljuje:

JAVNI POZIV

za dodjelu neraspoređenih taksi stajališnih mjesta na području grada Tuzle za 2021. godinu

I – PREDMET JAVNOG POZIVA

Predmet javnog poziva je dodjela 10 (slovima: deset) neraspoređenih taksi stajališnih mjesta, i to:

- Taksi stajalište broj: 1 – Međugradska autobuska stanica, Ul. Bosne srebrene, 1 taksi stajališno mjesto (broj: 9);
- Taksi stajalište broj: 3 – Hotel Tuzla, Ul. ZAVNOBiH-a, 2 taksi stajališna mjesta (brojevi: 1 i 7);
- Taksi stajalište broj: 11 – Pozorište – Ul. Pozorišna, 1 taksi stajališno mjesto (broj: 7);
- Taksi stajalište broj: 5 – Brčanska Malta, Ul. Armije BiH, 1 taksi stajališno mjesto (broj: 2);
- Taksi stajalište broj: 2 – PC Robot, naselje Miladije, 1 taksi stajališno mjesto (broj: 8);
- Taksi stajalište broj: 18 – Kino Radnik – Ul. Mije Keroševića, 1 taksi stajališno mjesto (broj: 11);
- Taksi stajalište broj: 29 – TC Armije BiH – Ul. Armije BiH, 1 taksi stajališno mjesto (broj: 1);
- Taksi stajalište broj: 10 – Novo naselje Solina – Ul. Armije BiH, 1 taksi stajališno mjesto (broj: 10) i
- Taksi stajalište broj: 25 – Gornja Tuzla – Centar, Gornja Tuzla, 1 taksi stajališno mjesto (broj: 2).

II – USLOVI KOJE LICA KOJA SE PRIJAVLJUJU NA JAVNI POZIV OBAVEZNO MORAJU ISPUNJAVATI I DOKAZI O ISPUNJAVANJU TIH USLOVA

Pravo na dodjelu neraspoređenih taksi stajališta po ovom javnom pozivu može ostvariti lice koje ispunjava sljedeće uslove:

- a) da je državljanin Bosne i Hercegovine (dokaz – uvjerenje o državljanstvu, pribavlja organ po službenoj dužnosti);
- b) da posjeduje važeću vozačku dozvolu „B“ kategorije (dokaz – ovjerena fotokopija vozačke dozvole);
- c) da je mlađi od 65 godina (dokaz – PBA3 obrazac, koji na dan podnošenja prijave ne smije biti stariji od 30 dana);
- d) da ima najmanje III stepen stručne spreme za zanimanje vozač motornog vozila (dokaz – svjedočanstvo/diploma o stečenoj traženoj stručnoj spremi izdato od strane nadležne obrazovne ustanove);
- e) da je poslovno sposobno (dokaz – uvjerenje o poslovnoj sposobnosti, izdato od strane JU „Centar za socijalni rad“, koje na dan podnošenja prijave ne smije biti starije od 30 dana);
- f) da mu pravosnažnom sudskom presudom, rješenjem o prekršaju ili upravnim aktom nije izrečena zaštitna mjera zabrane obavljanja obrtničke djelatnosti (dokaz – ovjerena izjava data pod punom materijalnom i krivičnom odgovornošću, ili uvjerenje nadležnog organa, Prekršajnog odjeljenja Općinskog suda u Tuzli, koje na dan podnošenja prijave ne smije biti starije od 30 dana);
- g) da ima prebivalište na području grada Tuzla (dokaz – PBA3 obrazac, koji na dan podnošenja prijave ne smije biti stariji od 30 dana);
- h) da je zdravstveno sposobno za upravljanje motornim vozilom (dokaz – uvjerenje o zdravstvenoj sposobnosti izdato od strane ovlaštene zdravstvene ustanove – **dostavlja lice kojem je dodijeljeno taksi stajalište, a po okončanju postupka po ovom Javnom pozivu**).

Prema odredbama Pravilnika o načinu korištenja, redu i radu na taksi stajalištima i kriterijima za dodjelu taksi stajališta („Službeni glasnik Grada Tuzla“, broj: 7/14 i „Službeni glasnik Grada Tuzla“, broj: 8/17 i 5/19) (u daljem tekstu: Pravilnik), pravo na dodjelu neraspoređenog taksi stajališta ne može ostvariti lice koje posjeduje važeće rješenje kojim mu je odobreno zauzimanje javne površine u svrhu korištenja taksi stajališta na području grada Tuzle.

III – KRITERIJI NA OSNOVU KOJIH SE VRŠI BODOVANJE I DOKUMENTI NA OSNOVU KOJIH SE VRŠI OBRAČUN BODOVA PO KRITERIJIMA

Red prvenstva za dodjelu neraspoređenih taksi stajališta po javnom pozivu, utvrđuje se na osnovu bodova koje lica koja ispunjavaju uslove iz javnog poziva ostvare prema sljedećim kriterijima:

- a) dužina prisutnosti na evidenciji kod JU „Služba za zapošljavanje Tuzlanskog kantona“ (u daljem tekstu: Služba za zapošljavanje) (dokaz – uvjerenje izdato od strane Službe za zapošljavanje, koje na dan podnošenja prijave ne smije biti starije od 30 dana);
- b) radni staž na poslovima vozača motornih vozila nakon sticanja tražene stručne spreme (dokaz – uvjerenje o radnom stažu izdato od strane ranijeg poslodavca, ovjerena fotokopija radne knjižice ili drugi zvaničan dokument iz kojeg je vidljiva dužina radnog staža na poslovima vozača);
- c) broj članova porodičnog domaćinstva (dokaz – ovjerena izjava o kućnoj listi, sa prijavom prebivališta za svakog člana porodičnog domaćinstva (PBA3 obrazac), koji na dan podnošenja prijave ne smiju biti stariji od 30 dana. U svrhu ostvarivanja dodatnih bodova po kriteriju nezaposlenosti svih članova porodičnog domaćinstva, prilaže se uvjerenje izdato od strane Službe za zapošljavanje za svakog člana porodičnog domaćinstva, a ukoliko se radi o studentima, prilaže se

potvrda o statusu studenta, koju izdaje nadležni organ obrazovne ustanove (ne starije od 30 dana). **Članom porodičnog domaćinstva smatraju se bračni i vanbračni partner, roditelji, djeca, usvojioci, usvojenici, braća i sestre, ukoliko žive u zajedničkom domaćinstvu.**);

- d) pripadnost populaciji branilaca i članova njihovih porodica (dokaz – dokumentacija iz Popisa koji je u prilogu ovog javnog poziva i čini njegov sastavni dio).

IV – POSTUPAK BODOVANJA

Po okončanju roka za podnošenje prijave na Javni poziv za dodjelu neraspoređenih taksi stajališta na području grada Tuzle za 2021. godinu, Komisija za provođenje postupka putem javnog poziva (u daljem tekstu: Komisija) koju u skladu sa odredbama Pravilnika imenuje Pomoćnik gradonačelnika za Službu za komunalne poslove, izgradnju i poslove mjesnih zajednica Grada Tuzla, ispituje ispunjenost uslova i vrši bodovanje u skladu sa prethodno navedenim Pravilnikom propisanim kriterijima i utvrđuje preliminarnu rang listu, kao i zasebnu listu koja sadrži podatke o nepotpunim, formalno neispravnim i neblagovremenim prijavama.

Liste se objavljuju na oglasnoj tabli i web stranici Grada Tuzla.

Podnosioci prijave mogu uložiti prigovor na objavljene liste u roku od 8 (osam) dana od dana objavljivanja. Prigovor mora sadržavati precizno navođenje činjenica koje su razlog ulaganja prigovora.

O izjavljenim prigovorima odlučuje Pomoćnik gradonačelnika za Službu za komunalne poslove, izgradnju i poslove mjesnih zajednica Grada Tuzla, po prethodno pribavljenom izjašnjenju Komisije na sve navode sadržane u prigovoru.

Rok za rješavanje po prigovoru je 15 (petnaest) dana od dana podnošenja istog, nakon čega Služba za komunalne poslove, izgradnju i poslove mjesnih zajednica Grada Tuzla utvrđuje i na oglasnoj tabli i web stranici Grada Tuzla objavljuje konačnu rang listu podnosilaca prijave na Javni poziv za dodjelu neraspoređenih taksi stajališta na području grada Tuzle za 2021. godinu.

Na osnovu konačne rang liste, Služba za komunalne poslove, izgradnju i poslove mjesnih zajednica Grada Tuzla donosi privremena rješenja o korištenju taksi stajališta, i to prema redosljedu podnosilaca prijave na konačnoj rang listi i redosljedu neraspoređenih taksi stajališta utvrđenom u tački I javnog poziva, a za potrebe registrovanja djelatnosti taksi prijevoznika i pribavljanja potrebne licence za obavljanje djelatnosti taksi prevoza. Po registraciji djelatnosti i pribavljanju potrebne licence, Služba će donijeti konačno rješenje o korištenju taksi stajališta.

V – ROK I NAČIN PODNOŠENJA PRIJAVA NA JAVNI POZIV

Javni poziv ostaje otvoren 15 (petnaest) dana, zaključno sa 25.11.2021. godine, a objavit će se u najmanje jednom sredstvu informisanja, uz isticanje na oglasnoj tabli i web stranici Grada Tuzla.

Neblagovremene i nepotpune prijave neće se uzeti u razmatranje.

Prijave na javni poziv sa propisanom dokumentacijom dostavljaju se u zatvorenoj koverti putem Centra za pružanje usluga građanima (protokol Grada Tuzle) ili preporučeno poštom na adresu:

GRAD TUZLA

Služba za komunalne poslove, izgradnju i poslove mjesnih zajednica

UI. ZAVNOBIH-a broj 11, 75000 Tuzla, Bosna i Hercegovina

sa naznakom:

„PRIJAVA NA JAVNI POZIV ZA DODJELU NERASPOREĐENIH TAKSI STAJALIŠNIH MJESTA NA PODRUČJU GRADA TUZLE ZA 2021. GODINU – NE OTVARATI“

NAPOMENA: Dokumentacija (koja je propisana tačkama II i III ovog javnog poziva, te Popisom koji je u prilogu javnog poziva i čini njegov sastavni dio) prilaže se u originalu ili ovjerenj fotografiji.

Prilog:

**POPIS DOKUMENTACIJE KOJOM SE DOKAZUJE PRIPADNOST POPULACIJI BRANILACA
I ČLANOVA NJIHOVIH PORODICA**

PRIPADNOST POPULACIJI BRANILACA I ČLANOVA NJIHOVIH PORODICA	DOKAZ – DOKUMENT	ORGAN KOJI IZDAJE DOKUMENT
Član porodice šehida, poginulog, umrlog ili nestalog branioca	Rješenje/Uvjerenje o priznatom pravu na porodičnu invalidninu	Služba za boračko-invalidsku zaštitu, stambene poslove i integraciju raseljenih lica Grada Tuzla
Ratni vojni invalid (RVI)	Rješenje/Uvjerenje o priznatom svojstvu ratnog vojnog invalida	Služba za boračko-invalidsku zaštitu, stambene poslove i integraciju raseljenih lica Grada Tuzla
Dobitnik ratnog priznanja i odlikovanja	Rješenje o priznatom pravu na mjesečno primanje dobitniku priznanja ili Plaketa o ratnom priznanju i odlikovanju	Federalno ministarstvo za boračka pitanja
Demobilisani branioci	Uvjerenje o učešću u Oružanim snagama BiH	Odjeljenje odbrane prema mjestu prebivališta
Članovi porodičnog domaćinstva: a) Ratnog vojnog invalida b) Dobitnika ratnog priznanja c) Demobilisanog branioca	Rješenje/Uvjerenje o priznatom pravu na: a) Invalidninu b) Mjesečni novčani dodatak c) Uvjerenje o učešću u oružanim snagama BiH	a) Služba za boračko-invalidsku zaštitu, stambene poslove i integraciju raseljenih lica Grada Tuzla b) Federalno ministarstvo za boračka pitanja c) Odjeljenje odbrane prema mjestu prebivališta

- **Članom porodičnog domaćinstva smatraju se bračni i vanbračni partner, roditelji, djeca, usvojioci, usvojenici, braća i sestre, ukoliko žive u zajedničkom domaćinstvu.**